

Claudius Phillips invitado pa lansamento di imagen nobo di Aruba diabierna awor

E artista cu mas di un kwart siglo di triunfo, ganador di un serie di premio tanto aki na Aruba, Antias como den exterior, ta trahando riba su mas ultimo produccion cu ta priminti di bira un exito, manera tur hende conoce di dje caba. Y e ta un di e invitadonan p'e grandioso evento di dia 20 di augustus awor riba Plaza La Linda pa presentacion di e imagen nobo di Aruba.

FOR di su promotor Edwina Werleman nos pora comprende cu Claudius ta hinca den studio di grabacion pa algun siman caba trahando ful swing riba su produccion nobo. E talentoso musico y cantante Claudius Phillips ta un poco supersticioso pa cual e ta prefera pa no duna ningun indicacion ainda di cual e temanan aki lo ta. Pero como un regalo y p'e momento importante cu t'e lansamento di e imagen di Aruba nobo den exterior, e lo bay presenta n'e publico un di su cancionnan nobo. Su promotor a splica cu Claudius ta presente den tur momento importante y grandi y no por ta ausente diabierna awor p'e evento organisa dor di Min-



isterio di Turismo di Minister Otmar Oduber y ATA. Henter pueblo di Aruba ta invita pa ta presente pa lansamento di e imagen nobo di Aruba, loke lo bay mira di Aruba den e promocionnan den exterior. Y riba e anochi aki Claudius y su grupo OREO lo ta presentando su repertorio yena di hitnan y den esaki lo inclui un cancion di e CD mas nobo cu e ta trahando riba y cu lo bira, segun su promotor, su mihor produccion te cu aworaki. Ya caba Claudius a ricibi invitacion pa actuacionnan na Surinam, Sint Maarten, Hulanda, Corsow y Boneiro. Ya caba e preparacionnan pa e evento di diabierna awor ta den ful swing; e bandanan cu lo presenta e anochi ta contrata y ademas di Claudius lo bay tin presentacion tambe di Youth Extreme.

E evento lo tuma lugar loke ta wordo yama Plaza di La Linda den centro di Caya Principal. Lo bay sera caya for di tempran pa trafico di auto. Tiendanan e anochi aki ta wordo permiti pa keda habri te lat p'e ola di bishitante cu lo bay ricibi. Abo tambe lo tey?